

琴
隱
園
詩
集

琴隱園詩集卷二十六

武進 湯貽汾 雨生

琴隱集

辛丑

詠史十六首有感時事拉雜作此不自知其言之長也

越臺荆棘臥豺狼瘴霧昏靈鴉陣狂八萬軍憐雙鐵漢
副將陳公連升子舉鵬同戰死十三樓擁百珠孃卽今事業無功狗自古
衣冠有爛羊憶昔中天膽口麗博陵琛賫繪梯杭

繡鎧無端夢裏來風雲叱咤奪龍媒便宜世重元戎柄嫵媚天生宰相才簪脫可憐麟援毀囊充不惜象身灰宣勤

琴隱園詩集

卷二十六

自勝秦長腳乍建油幢五管回

百劫沙蟲性命微登壇已自伏危機楊枝露冷妖氛熾颶
母風狂奏草飛肘後尙嫌金印小袖中安得鐵椎肥酒龍
若解爲霖雨洗盡兵戈奠九圻

烽火丹冥照眼迷原來罔象畏然犀趙佗城郭悲狐鼠鮑
靚妻孥剩犬雞討檄大書狂寇窘義旗一舉萬人齊鼃梁
螭駕隨煙滅竟有啼烏幕上栖

聞道燕齊盡出師凌煙搔首憶英姿羊牢補比青天易蜃
市開離碧海奇勒鼎銘鐘能幾輩臥薪嘗膽此何時白頭
西望空垂汨諸將誰聞杜老詩

海立雲昏翠壁焦金風催湧竹山潮孤城百戰援終絕千

古三忠怒不消

壽春總兵王公錫朋定海總兵葛公雲飛處州總兵鄭公國鴻于八月十二至十七

日戰六晝夜

三五明蟾驚慘淡東南孔雀快扶搖早知殲

盡同舟敵無復長鯨奮鬣驕

招魂何處海天長繡闥娉婷乍靚粧八月官梅輕破萼

梅花入

一宵大厦自摧梁

節署二堂以目者之言改建較舊制卑二尺九寸於七月晦夜

成之倒戈豈必心強寇裏革何曾事戰場半壁山河空撒手

水犀零落錦衣鄉

分無金屋貯長春步步蓮花換棘榛只道官存城尙我那

知賊在市非民平生所欠豈惟死後世不思還有人見說

春陵風鶴靜儘容覓句破愁新

頻聞畫錦侈歸田有幾貲郎諫獵賢市僧能言溫室樹盜

糧恰富水衡錢同憑九府供千指孰把羣黎任一肩劍浙
矛炊方未已木牛愁殺海東邊

高秋龍武下昭關十道徵書使節頒白面居然開北府蒼
生未必仰東山彈冠幾日三臺慙飲羽何人四斛彎搏象
自須獅子力伏波可柰髯毛斑

眼看猿臂盡封侯渤海波恬蜃氣收戰鼓未鳴青雀舫尙
方已賜黑貂裘西園八校雲臺壯朔漠孤臣雪窖愁方略
休論漢驃騎安民先解 聖明憂

襁負如雲四野號人如亂葉逐風飄已無田里何生路尙
有心肝爲 聖朝戰骨山高魚腹剩軍書火急馬蹄消眼
中誰免填溝壑把酒生前且自澆

亡命依然虎豹吞紛傳河伯又新昏鶴歸荒隴迷今昔鏡
破空房泣夢魂有石難填千載恨無波能洗萬人冤曹娥
襟帶非天塹壁壘端應異棘門

獵獵旌旗簇繡裳辛勤父老挈壺漿時和廉藺猶冰炭世
亂華夷共井疆燕領書生工將略龍圖老子習蠻方征南
何日重持節周伯名星光明帝座旁

長城未壞局先輸聞闔誰容鷲鳥呼不信瞽趨來水母豈
知臭逐得金夫養癰到此求醫晚揖盜于今塞竇愚終是
聖朝寬大處止戈原冀萬民蘇

神仙何必愛瀛洲早變桑田萬事休呪水立教鯢徙宅量
沙便借鶴銜籌豈無射虎屠龍手自有乘風破浪舟直到

扶桑弓挂卻結胸窮髮一齊收

朱涵齋

倫瀚

都統指畫上山虎爲其曾孫小泉

奕亨

別駕題

君不見裴龍華善射虎一朝斃虎三十一眞虎渠猶未嘗
覩怪哉朱將軍畫虎虎逼真眞虎何時落公眼擊鬚堂壁
奔千人霜牙列鋸目夾鏡能使眾生愁性命一躍心輕萬
仞岡撥開榛莽安身定當年侍從數田獵獻虎御前同
獻捷至尊含笑入校驚百年猶錮東虞柳將軍伏虎虎
見恭盡虎之態羅胸中將軍詩虎虎畫虎氣類相感宜逾
上將軍畫筆天公賜

王夢樓題云先生兒嬉時有手中指

突出故指畫特工

爲積煤所壓創甚比愈而指有肉火

聖祖曰此天賜汝筆也

筆是將軍老猿臂投之不得殊辛勤奉 救時時換金幣

國初以來擅指法鐵嶺名高誰敢壓將軍後有蘇金庭城

蘇虛谷廷燧廣文自號金庭外史乾嘉間以指畫名畫虎不成心膽怯松公椽筆惟

書雄書一筆虎字持較將軍嗤技窮名世奚論趙邈齋

徵題並邁王荆公有鄭板橋百菊溪姚姬傳諸先生題衛凶辟惡雄無敵寅

年日月時寅客自署乾隆戊寅首春三月寅時指畫傳家五世太平年魑魅

不容幽暗匿此非虎吾疑神生不作封使君饞頤忍觸飢

寒民大海西頭鬼伯惡盡下蒼崖恣大嚼風俗通虎噬食鬼魅

書事二首

江南樂土習娛嬉錦樣繁華六代遺屈指一秋三厄水傷
心十室九懸炊風前葛帔侯門裔舫底銀箏繡閣姬日飲

蠲疴千萬斛鵲鳩難起命如絲

不剗崑崙變輒紅陽侯惡劇正無窮萬家白骨隨沉璧百丈金隄訝斷虹獻策早紓明主慮負薪難沒老臣功

栗恭

勤治東河創磚工以私財成之

含毫待製河清頌早晚宣房會築宮

題許定生

淑慧

女史賣畫養親圖

誰識西湖女畫師天涯豪筆等男兒金壺倒盡傷心淚贏得人傳孝女詩

不畫春鴛畫雪鴻算來卻畫孝烏工他人尙愛孤山鶴未免分餐累阿翁

重題家山歡聚圖

葭村兄于嘉慶己巳冬里居招同韵清雲村兩兄

舸汀姪作消寒會歲杪余之官羊城於舟中補圖
寄之道光辛丑兄解組歸同寓白門重展此圖因

題

吾宗自虞山再徙之毘陵名宦惠安始

八世祖司城公嘗官惠安丞視名宦

萬石隆家聲德澤俾文翁三世錦官城

伯祖肖山公守成都伯父時偕公石

杜司馬葭村

兄則碧山宰知否由他人自勵同一清吾兄問絹日氣薄

搏霄鵬惜哉搖嶽筆鳳樓書未成作吏豈素懷治譜殊專

精鳴琴三十載天高豈得聽白髮歸故鄉回首淚縱橫少

年觴咏地睽隔猶蓬瀛追問少年侶存者疏晨星我時竹

林中最少最伶仃心猶當日壯髮易無餘青前程繫殘墨

到眼鴻泥驚深慚三絕譽

趙味辛丈題云賴有畫圖能駐景廣文三絕讓將軍

重憶

萬里程我昔去領表母在弟偕行篷窗靜無事弄翰聊娛
情此畫母見之此詩弟嘗賡撫此悲滄桑奚獨傷宗盟兄
言且莫悲自古有死生五人三尚在我汝已合并六代留
名山幾人得歸耕無田有茅屋亦足娛親朋觴咏喜不孤
樂此弟與兄子孫況振振歲歲期添丁十年種桃李開宴
豪飛觥後來圖幾許一一還題名

題畫贈楊芝友

士銓

卽送省親歷下

谷暗榕陰合溪明石色鮮入閩山水窟一別夢魂牽誰自
干戈際來尋翰墨緣登高漫回首風雪又殘年

送子趨庭去音書盼雪鴻親心正憂國天意待平戎何日
青溪路重尋白髮翁龍山古松頂談笑一尊同

送綬兒之任鹽城卽督兵防海

戮卻鯨鯢再釣鼉茫茫天海愼風濤一經以外無貽汝贖
有圍花舊戰袍

君恩不薄羽林兒劍浙矛炊勉自支努力休爲甘旨計三
軍減竈已多時

忠義先教士卒敦再同甘苦共寒溫能沾一勺投醪惠自
報三冬挾纊恩

一身許國莫思親病骨支離善自珍巾扇從來能克敵凌
煙豈盡拔山人

戲題劉卓齋

燦

都尉壁閒壽星卓齋病亟恍惚見壽

星慰語再三得愈

嘉祐八年太平季市有老人異常態其身與首各半長賣卜都亭似遊戲兒童笑逐市人訝餉以黃封不成醉偶逢好事爲寫真傳觀禁近聞之帝帝召老人登殿陞問以甲子毫不記叩所嗜好願旨酒賜飲一石使盡器須臾鯨吸過七斗太史奏占南極墜回頭已失飲酒人此事傳聞千載異借問老人去何所誰知遠向君家避君殆與彼共者會酒侶多年不容棄不然此老最孤高富貴相招未輕詣今年君病亦云殆此老牀前語相慰我知君壽早自延壽與此同無足怪非關導養得仙術四五十妻異牀被此老觀君尙髻齡來日方譜蔗枝味只疑此老轉妬君久恐弧南讓君位我有一言爲解紛老人在天君在世各壽其壽

樂其樂此處留爲獵酒計相攜蓬島或崑崙不間升沉與
興替煙霞終是引年資朝市今非行樂地

過博山園懷故督部陶文毅公

珂聲在耳庾樓空如畫鬢眉俎豆崇五柳春深新帝澤

封翁課公讀書處曰印心石屋八州功大舊家風泉臺幸
公求御筆書額今堂構一新

免驚猿鶴石屋猶留證雪鴻園對天印山亦構印心石屋渤御書于碑忠孝

身兼遺憾少只憐廣廈尙胸中嘗擬拓山前地增惜陰書院諸生肄業所

三山爽氣挹當門記否春風四座溫駿骨頻招湖海傑虎

皮同拜斗山尊創惜陰書院與園通六朝雲物難爲主一代風騷重

此園我是評花談月客到來同費孔融樽

嘉植重看綠滿岑當軒誰復共披襟捫碑不少蒼生淚報

國猶多未死心回首雲煙雙短髻側身天地一長吟衰
年旅寄交游倦有幾因緣翰墨深

記同甲子四人多一半騎箕去大羅

巴將軍哈布唐方伯鑑公與予皆戊戌生

日下音稀春夢斷

唐憲太常

天涯興盡歲華過青山終古給吟

客白墮當前懊病魔更憶花間投轄會雲箋難覓舊煙蘿

陳中丞鑾嘗觴客于此齊太守彥槐詩先成公與予皆和焉

枕上憶綬兒

夢中淒絕獨登臺滿眼兵戈霧不開入口輕拚千里別百

憂齊逼五更來餘生喜脫蛟龍窟

時家人赴官舟溺于興化湖中遇救獲全而綬

兒自淮安之任亦壯

志休消鸚鵡杯此際旌旗橫海盛論

功何日斬鯨回

卷二十六終

琴隱園詩集卷二十七

武進 湯貽汾 雨生

琴隱集

壬寅 年六十五

春暮張澄齋招集陶谷

拌把殘春付醉鄉
到門齊趁蝶蜂狂
紅牙翠管團花淨
几明窗奉墨皇
山色周遭樓百尺
禽聲下上木千章
白衣風月看無恙
興替都應大雅當

寄懷張南山司馬

祇有秦淮月能探
庾嶺梅更誰工
縮地與子快銜杯
松菊期無恙
鱗鴻訝未來
江天烽火亂淒絕
獨登臺

寒隱園詩集卷二十七

題袁小香

煨

山水遺墨向嘗同客嶺南兼示令子竹

哇

我愛袁高士孤吟雪滿山有春來竹屋無夢出柴關一醉忽天末千巖落指間至今珠海客捧研憶雙鬟

畫史雲泉盛

雲泉山館在廣州白雲山

名高孰與儒羅胸山六代唾手

筆千秋壯志消林壑前盟證鷺鷥金奩魂魄寄揮淚不成

謳

此日橫樓

廣州船名

月何人載酒看文章難徒鱣琴鶴易辭官

風雨雙門

闕名

笛雲天萬里翰舊游桑海變墨瀋未全乾

翰墨同休戚荆關有子孫看山邀蠟屐話雨爲開尊愛我花攢閣輸君水遶門一般圖畫裏泉下幾評論

蔣芥從父萱廬愛日圖遺照

白雲猶在望血淚不能乾
風木無窮恨遺圖未忍看
揮戈難挽日種德卻滋蘭
報國憑移孝親顏地下歡

阿買愧家駒含毫肅拜餘
名高循吏傳跡並浣花居
治譜綿孫子家聲豔里閭
金萱雖寂寞芝滿墓邊廬

黃石琴

恩彤

廉訪行看子次何子貞太史韻

濃陰拒烈日清池拾好風
退食得餘閒吟情魚鳥通
行人多病渴憫此窮檐窮棠陰
徧城野無慚居處崇所慮轉徙
貧所憂困窮空默若忘機客心
勞誰識公

楊葆庭

壽昌

布衣遺照

老猶儒慕真孝子貧乃樂施真
善士眼中之人那有此

世其學者世其德繪圖何異丁蘭刻父子同將綱紀植

城南課園行爲黃子未

若濟

作卽以奉懷

有園不窺非達者以花爲課真閒人城南課園樂莫樂息
機栖影辭風塵桃葉渡頭忽相見長鑱卻換辭鄉劍鄉夢
時時凜鼓鼙扁舟且喜隨鶯燕鶯燕相隨復故園故園安
穩似桃源病魔敢與詩魔敵人事應輸花事繁花開花落
成今昔人合人離頭易白秦淮流不到鴛湖雙鯉何由至
君側君家兄弟同高蹤元方不識何年逢令兄壽訪戴於
今非易事出門滿地荆榛叢君不見江南江北多哀鴻田
園盡沒蛟龍宮長吏行春難課農又不見琴隱翁十年樹
木空園空活人活花兩無功平生志願空言耳未耜徒思

課孫子幾時滄海變桑田種酒逢年拌醉死

輓鷹巢

定志

上人

照人肝膽氣縱橫獵古生來眼似鷹落筆便存千載想對
君疑是六朝僧好游不卓爭山錫學佛偏交嗜酒朋此日
傷心蓮社冷白雲猶護一龕燈

秋山采藥圖爲吳東生

春煨

題

世無醫國手共有入山心何處非荆棘浮雲自古今仙芝
尋古洞野鶴伴空林好遇蓬萊客滄瀛間淺深

贈謝果堂

興曉

太守卽書其平夷圖

蜀山高比登天難誰能更登上山高山自古人蹤絕雪
嶺曾無飛鳥越成都太守何雄豪提兵直入羅羅巢千峯

萬峯雪沒腰，皎米呷多獾虎豹。逃此山巖窠，五丁畏此虜。
凶頑諸葛避，征誅禮樂不相聞。由來獸聚無君親，貪淫劫掠法當滅。
三月功成矢不折，歸來洗甲不言勞。調鶴焚香作生佛，文翁叔度善治民。
不聞弭亂皆能軍，四機九變君諳獨。手握麟符定全蜀，拂衣何事竟歸田。
一笑三刀變黃犢，江南花發春風香。玉簫金管催飛觴，張南周北同徜徉。
忽焉拊髀嗟，顏蒼蒼。生亦望東山，起長鯨。不斬無生理，李靖才能制四夷。
當年猛將咸師之，東南煙水成甌脫。拜表何人痛誓師。

題王夢蓮秋夜校書圖

五步一樓十步閣，玉簫金管中流作。揚州花月競繁華，燈

火通霄洞城郭其中乃有王子淵閉門寂寂攻丹鉛長風
過戶窗壁裂短檠對榻心神專唐文進御一千卷卷卷

王郎手校纂青箱不畏石渠高落葉常愁玉漏短二百年

來盛文治王廬愛士南豐繼豈無食客濫齊竽橐筆紛紛

致金幣何事今非廣陵散竹西歌吹風吹斷夢魂猶落選

樓東幾點螢光膽几案博聞最憶儒林儒著書未竟騎鯨

魚江樓百尺獨千古精魂但許梅花扶儒林汪容甫先生嘗校書于金山精

法樓後人卽其處祀王郎昔年同學者淵源豈在儒林下

胡爲天祿不同登未免賢才嘆遺堊王郎王郎我知子富

貴平生輕傲屣生來嗜好詩書不爲浮名鑽故紙吁嗟

乎故紙山高覆瓿耳識字從來無獬豸君不見天一崔巍

萬卷灰書城今日生荆杞

趙子謙

京錫

歸自虔南過訪白下花前話舊把酒流

連爲書楹帖甚工詩以奉謝

子謙筆墨能扛鼎放手堪題五鳳樓爲問何時錐脫穎不
甘磨盾博封侯

多謝停橈訪舊情花香難得墨香并一縑一字情多少脫
粟真慚地主輕

許向騷壇共結盟昔年曾忝汝南評蘭亭亦有唐臨本況
是同時各擅名

楹帖曰成一代作者將終身隱焉本陳碩
士侍郎寄予因蝕于鼠子謙爲重書之

琴隱園新得一峯高丈餘

伴我意如何荒亭掩薜蘿閱人千古在感舊六朝過世上

比肩少階前仰面多張琴相對久甘露下庭柯

周次夫歎醵圖

羌渴偏耽馬湮腥犢禪誰遣困都亭知希未必我真貴眾
醉不應君獨醒儘許百篇消李白休教一鋪送劉伶塵邊
自接如醇度多謝吟眸著意青

日長

日長莎徑懶扶藤聒耳鄰蟬漸可憎蕉葉未遮廊半面簷
枝已過閣三層清閒始識山林趣老病兼疎詩酒朋見說
青溪新漲盛樓臺無恙管絃增

熊松喬太守邀
遊秦淮未赴

聞京江告警寄懷陸方山

嵩

廣文

頻驚帆影斷江河將士悲同赴燭蛾火迸飛艍千霹靂墨

翻腥浪萬竈肯拋苜蓿供牛馬

英夷所至劫人牛畜馬則來自其國應發

詩書負盾戈努力且爲軍祭酒好留斑管製饒歌

欲攜家人避地溧水先寄楊鬻溪大令馮仙槎少尹

飛錫浮杯羨阿師那能脫屣視妻兒亂離書劍都成累老
病車帆總不宜竟入壺中嫌太寂便遊橘裏怕恆飢世間
豈有桃源洞但得身安借一枝

溧水逢曹愷堂姪婿亦攜家避兵至此

滄海橫流嘆路車相逢底處卜安居君憐病婦難謀藥我

恨童孫竟廢書痛飲不求埋有地悲歌豈爲食無魚

愷堂爲黃

方伯

孤鴻埜鶴鳴相向何日雲天鍛羽舒

簡管小異

副復

袁竹畦

起

時同避地溧水

遊戶誰施亢食糧漫同飢雁落葭蒼梁鴻廡下名方播杜
甫夔州詩正狂茅屋不愁無主客二子皆新葺園林于青溪桃源也怕
有滄桑倘真一醉堪千日漂水亦名中山我輩何妨老是鄉

留別鸞溪仙槎

老病逢憂患江湖半死生西窗悲客夜東道重交情本是
離巢燕翻同山谷鸞莫驚三尺劍風雨作龍鳴

暎夷旣陷京口

貽汾奉

命守禦白門撫慰人心卽

日舟發漂水先寄同時被

命之蔡友石

世松太

僕周石生

開麒麟

方伯

輦鼓江天痛誓師據鞍敢自厭衰遲一生肝膽宜天鑒十
載林泉媿帝知何計立能援水火斯民終不免瘡痍漫

李陽言集 卷二十一
誇驅鱷憑斑管畢竟臨戎要出奇

岫雲渾不借吹噓天水空濛自卷舒定武罷題風轉棹惠
文重著雪盈梳篋材我敢居安撫上策君先奠里閭時已募集

義同是

恩深難報稱寸心早把死生除

賊至呈諸將

賊至不須驚羅胸富甲兵一心酬 聖主眾志勝堅城自
古平戎烈由先料敵明江樓拌痛飲今日斬長鯨

夜行

列柵成堅壘林鳥不得過千門沉月柝萬火耀霜戈醉語
逢羌客鄉心入楚歌敢誰旂榻畔雄劍正新磨

白門圍急雲室餽米入城詩以報謝卽送避地北行

萊蕪本是甌生塵況值炊骸掘鼠辰饗士知誰猶有妾時

武諸公眷屬

量沙慨此并無人

守城將士徵調未齊

艱危幸解河魚

厄浩蕩難羈海鶴身他日重遊鍾阜畔肯餘麥飯到荒榛

圍解

誰聞枹鼓震江沱虎踞龍蟠有雀羅千載君恩鄉井在一時兒戲死生過量珠剖玉豪通市問水尋山笑擲戈厚往從知柔遠意漢家功業四夷和

家人至自溧水

矛頭幸免析骸炊襁負紛紜又一時此事有功殊愧忤我民無恙已流離不如人處老而已何以家爲寇若斯鏡破珠還都似夢驚禽多半尙尋枝

題托鉢圖

鉢金而人在雲中

我聞乾陀越鉢青玉成，一把粟三斗盈。又聞佛圖銀鉢
神通廣，頃刻青蓮生。萬丈昆波黎下啜乳糜，金鉢惟聞摩
竭提龍宮供養何尊重。金鉢金仙兩無用，圖山鏤海鄱陽
玉片牋只換劉郎頌。君從何處得此鉢，鉢中不識君何物。
慙萬重雲忍飢渴，托向天公何所乞。願君呪鉢雲龍戰盡
捲滄溟，入天漢鯨鯢速化爲蟲沙。擲鉢鎔金付酒家，不然
但取敲詩好一飯。人間不難飽，嗚呼一飯人間恐難飽。不
見水滿荒塍，餓夫倒。

九日林雨亭

欽潤

嵯尹孫月坡茂才洪可亭

心傳陳

文甫

璩

兩處士集凌雲閣孫伯雨

若霖

茂才不至

兼懷徐子容主簿

青山亦復虎口餘，看山重得君吾渠。安能今日不大醉，況
值佳節開蓬廬。陳郎最少詩先得，洪生句亦鏗金石。老夫
一笑難爭豪，直看山雙眼碧去。歲重陽風日好，六客尋
秋菊花早。去年九月潘少白山人周伯恬楊懷貽兩明府
周叔程茂才周子堅參軍集此閣陪訪菊雞鳴
山今年有菊無人管，莫怪籬邊消息緩。高閣更番穴野狐，
還家但見荆榛滿。悲來花亦無心裁，高臥何必多樓臺。眼
中萬物皆身外，惟有良朋願長對。白下詞盟有二孫，何忍
參商兩相背。舍南舍北閒鷗稀，半被豺虎驚高飛。逋翁獨
戀梅，與鶴尙得時來就清酌。何歲無重陽，何時無美酒。只
恨少閒情，便使辜良友。從今日日作重陽，狂歌痛飲餘生

價那得知音千里至連宵飛夢過錢塘

題牛鏡堂

鑑

制府所藏宋拓智永千字文

智永硯成曰乃能到石軍若使硯穿透鍾索何足云

海岳名言

千文八百本萬載輝精神穢硤是何物唐代已亂眞快雨
眼明人辨此紙墨陳書法討原流因之娓娓論我公喜獲
此千字千金珍古人論草書惟此法可循或云逸者半王
著成其文至今江淮間卽此亦罕存此書豈貂續但覺一
氣渾當在王著前阿羅餘此身快雨終不虛永保子與孫
憩板倉王氏廬歸途口占時送伊莘農將軍之粵

空庭十笏蓬蒿埋蕭蕭萬葉雲端來脩篁娟娟若處女頭

陀嶺

乃在東牆窺送客入城都不見但見空天數行雁天

南地北幾時逢往事回頭盡如電

靈谷

松盡竹林開當頭一塔來心清入功德語落萬瓊瑰往迹
探猶在高僧去不回貪嘗鳴腳子歸路夕陽催

谷多古銀杏

靈谷謁誌公塔兼示同遊蔡友石太僕周石生方伯
鄧子久方伯雄吳仲銘三太史汪元則茂才甘畸
人明府邢子尹參軍歐陽沛生孝廉

金剛不壞是君身千載何由見此人神虎挂冠同大隱

南史

列誌公與陶貞白于隱逸獨龍遷塔各前因雲山自恨騷壇命

有姚姬傳張古

餘瞿秩山

寇盜應憐佛國貧

英夷圍城兩月逼擾山村獨未至此

失喜松篁

盡無恙尙容吾輩趁芳辰

靈谷逢陳登之司馬偕白門同官來遊

青林堂上茗千杯恨不清泉變綠醅

游者皆飯于寺沽酒不得

山賊難

偷林壑去詩奴競逐紱簪來松間鶴尙齊梁語地下僧兼
管樂才撞斷辟邪

鍾名

遊未了筍輿同載白雲回

東方孝廉乞竹

拓得牆東地幾弓築亭兼種兩三峯只嫌亭畔清風少先
向君家乞籜龍

侯青甫作小疏募同人爲合作根香圃圖戲題

一疏新傳募畫奇募成將畫募新詩畫禪參透是檀越墨
汁居然大布施

翰墨緣都募得來粥翁先把此緣開華嚴樓閣成容易只

要黃蘗換綠醅

酬周韜甫

瑛

茂才兼懷尊甫伯恬明府時避兵陽羨

溪山戀佳客風月迷騷人可憐齊季弱

齊梅楚太守嘗卜居於此已歸道山

不見周彥倫烽烟暗江海魚素絕朋親詩箋忽飛至失喜
獲奇珍開緘出雲氣知汝銅官鄰何爲思遠遊親老徒勞
辛亦知飢所驅戶外無箱困萬鍾負廉譽不界甌上塵有
客敬亭來見翁白髮新途窮賤書劍客老尊鱸蓴君今去
何所負米愁荆榛牛衣有賢偶虎榜多名臣富貴粹然得
一洗寒蠶貧且昇阿翁與細探金鷲春

十月二十四日大風雨至上新河憩枕江園歸途作
石城門外無行人狂風拔起愁樹根風狂雨急四山失雲

琴隱園詩集卷二十七

十

開忽見江東門亂定雞豚見墟落天寒不畏江潮惡

頻年盛漲

民多共樂豐年疾疫除家家大獲門前泊

居人多販木爲業

比歲

東南苦用兵朝廷發帑無留停蠲逋減賦動千萬司農

仰屋憂屏營江南赤子咸蒙福各竭私財報恩育天鑒

忠忱厚祿施何時九府能充足新河大賈多奇贏賊來棄

走連城輕此日依然洛陽富千金三致車牛盈貨殖平生

嫌鄙猥紛紛賄敗憐崇儼爲君市義博旌門一勺非能損

滄海

時勸富賈輸將

枕江高閣高人樓

岳雲道人

談元講易工撚髭世

事紛紛獨掩耳花前一醉餘非知銜杯促坐同聽雨知心

難得驂鸞侶籠壁猶存舊雨題玉樓何事羅詩虎

齊梅麓太守嘗

寓此園今更惜王通素志遠一朝場翹歌東歸老臣開濟

歸道山

抱餘憾化鶴空隨丁令威王竹巖都轉具經世才居此鄉逝數年矣淚滴黃
壚感陳迹斯民衽席今誰責側聞宵旰渴求賢縱有宏
羊無卜式林鳥欲落歸路遙籃輿鼓側風翻巢還家閉戶
且酣臥萬事雲煙付九霄

題沈雲巢

兆潛

觀察觀弈圖

凝霞臺遠海天寬今古茫茫一著難直把滄桑作遊戲竟
從心手出波瀾千秋黑白自然定萬事安危如是觀小築
紅泥齊楚頌橘中佳趣試尋看

膺膊聲中有性天機心未滅卻通玄其人大抵神仙列此
事居然智勇全袖手難爲當局計出頭儘讓後生先爛柯
山色青無恙枵觸前遊十五年爛柯山在衢州余客彼時同官中多善弈者

自題按劍圖

浩氣鬱霜鏑，張目怒噴不難除。虎豹急欲斬荆榛，四海盡亡命一心求活人。九重知汝戇名姓，記猶真。

嚴問樵

保庸

太史過訪琴隱園留宿賦贈

小小才名滿，帝畿旗亭絲竹趁芳菲。千金買賦鰲頭貴，三斗朝。天馬足飛不爲時危，方引遯可憐家破尙言歸。有誰拚取迷香洞，爲換煙波舊釣磯。

三逕三年三度過，亂餘猶識舊巖阿。不期今世仍車笠，只道他人占薜蘿。詩國豈能謀菽水，醉鄉都怕惹干戈。傷心天塹成溝壑，說向從頭涕淚多。

冬至聞雷

今日日長至驚人霹靂奇百蟲初蟄後萬卉未萌時天怒
莫能測杞憂誰得知燕巢方可慮寒鵲漫銜枝

冬至鵲始
加巢見淮南

綠園

草堂客散綠陰重投轄當年號酒龍金管留春空翠袖石
床尋夢剩蒼松斷無人處一雙蜨時有雲飛十二峯苔逕
依稀餘屨印亂離何日更相逢

題朱嶽雲道士行看子

蒼茫獨立海天秋發興將爲汗漫遊詩酒外原無嗜欲山
林間自有朋儔頗聞采藥期千歲直看栽花到十洲漫道
青蓮君夙世銀青端不換浮邱

高常侍贈沖元先生詩三
命謁金殿一言拜銀青

嘉平月二十七日泉水村爲族嫂張安人展墓道中

雜記

負郭寒梅一頃紅數家籬落水聲中鳳臺門外山層疊

髮看多避世翁

居人種花爲業連畦接畛如藝圃然

鴨腳林邊認酒鑪客來婦子笑相呼翠屏山色盪輿裏昇入柴扉一半無

烹泉小憩愛漣漪品味如何此獨遺世上非無盧與陸豈

君清亦畏人知

泉發於翠屏山大旱不竭味清冽而未嘗有名

爲賣新春入市頻輸租昨又共比鄰桃符在手蹇驢疾纔作還家度歲人

老圃生涯但種梅茅堂恰對小峯開歲除有幾看山客到

此人疑避債來

陌頭顛倒石麒麟
玉盃金鑷總化塵
松柏高低山十里
此中多少六朝人

紙灰飛雪滿棠梨
且幸泉臺隔鼓鼙
酌酒荒原餘我在
殘年骨肉各東西

逕轉花塍歸路賒
花翁語我記休差
花神廟裏花生日
來看如花拜百花

琴隱園詩集卷二十七終

琴隱園詩集卷二十七

琴隱園詩集卷二十八

武進 湯貽汾 雨生

琴隱集

癸卯

年六十六

題夢薌不可無竹居圖

君客廣陵金陵郡齋皆種竹索作此圖卽以送別

蘇子有言無竹俗客居未必皆種竹先生愛竹今王猷所至常攜數竿綠邵齋惡木何縱橫北窗一夕清風生酒徒吟侶動千百此君而外誰良朋藤牋三尺清陰滿我是曾來聽秋館鴻爪能留萬古情筆床茶竈光陰短短歌長嘯數低徊記取僧房帶雨來廿四橋頭秋夢冷十三樓畔暮雲頽此日匆匆君別去此君無計留君住君去何愁別此

君此君又是逢君處

送周石藩司馬歸黔

萬里難爲別相看況白頭千秋幾循吏一日逐閒鷗只有
當杯月常隨載鶴舟麟溪好煙水誰是志和儔

有麟溪歸釣圖

湯納時大令授經遺照

片縑無恙百年遺松桂陰森把卷宜誰識垂髫也先哲授
經昔日當含飴

圖中二稚爲大令孫

父書祖硯總無遺落魄孤兒髻已絲腸斷機窗慈母淚青
鹽水透一燈知

先太夫人有寒窗課子圖

哭蔡友石太僕

已分騷壇冷花前又哭君方期扶大雅豈獨益多聞宦況

餘書劍生涯付水雲

元武湖上晚香莊君別墅也

論才文苑最矍鑠

能軍

虎口完危卵龍頭重老臣

朝命公與周方伯石生及予同守白門

與君同患

難比我倍艱辛

鶴詔恩猶昨鴻泥迹已陳終南多側耳

只道就蒲輪

長街風雨共蕭寺僕僮親

耆制府奏令公與石生汾董勸捐輸設局白衣巷

何補

司農計堪憐赤子貧傾家思破敵報國痛忘身借箸空瞻

昔終宵促膝頻

亦復耽疏懶煙霞歲月深清談凌六代古墨秘千金自有

名山業非無用世心玉堂欣繼武不獨羨爲霖

有幾開元老當筵顧曲工魂消絃管地淚盡綺羅叢嘉會

琴隱園詩集卷二十八

二

常愁裏狂吟每眾中風流今日盡從此任尊空
愛我詩成癖逢人擊節歌問誰同結習知己正無多昨夜
橫琴獨空天跨鶴過傷心蒿里曲不忍對君哦

送屠述之少府之官大梁卽書其吹臺小照

親故無多在君行我更孤鄉音聽不見別淚老還無書劍
憐貧宦鵬鵬望遠圖吹臺行樂地且莫憶蓴鱸

題畫

暢好泉邊結一亭泉聲日日許來聽莫言世上閒人少閒
到神仙幾度經

蔣嘯漁蕉石歌

心匪石不可轉石匪心乃可展君家有石真絕奇是蕉是

石誰能知高桐古松工變化天亦石成無足訝去歲東南
大隕星眾星皆石兼蒼青醉吟醒嘯一心赤閉戶磨穿蕉
葉白誰能奪取祖龍鞭鞭驅五岳滄溟填不數區區袖中
石留與詩狂作短箋

鷹

雄疑天水繪健憶杜陵題嘯日一聲激盤雲雙眼低豈宜
儕走狗何至博家雞見說臨郊按驂驅不敢嘶

送傅蜀門

夔

之官嶺南卽題其書劍圖

本來豪氣邁千人慷慨終童志已伸從此琴尊娛歲月不
須書劍恨風塵雲搏自覺青天近祿養誰憐白髮貧且喜
前旌香十里到官剛見嶺頭春

白門晤江龍門 卽贈

安危一疏重儒生此日相逢幸太平
非大經綸難濟世是真豪傑始知兵
眼中奇士誰堪匹海內狂名我亦驚
歸也絕倫休撫牌四方無事且歸耕

吾家舊藏萬鈞山水一幀觀所題爲先忠義公作畫
筆致佳童時常懸塾壁後攜之四方至之江重付
裴池兒子祿名偶摩一本幾無差別頃檢寄乃兄
綬名爲題二絕

青袍不及茲無恙卯角相親到老俱
一笑兒曹山賊手幾時偷去我蓬壺

輕攜先澤涉江湖萬軸牙籤腹此圖
爲重家珍傳粉本蘭

亭誰復識唐摩

重過窺園懷小狂

重來四十六年徂驚見兒童白髮俱粉壁自題蝸篆古蒼
松手種鶴巢枯五車書弃短檠在三畝園荒破甕無風月
依然裙屐盡有誰同感舊黃墟

怕過秦淮聽石洲柳條猶繫舊離愁窮途有淚成河海

落

聯後別君于秦淮
卽飢驅燕齊間

浪迹無心犯斗牛

君嘗溯河而上
遠遊數千里

炊黍

功名慙燕頷草元聲價重龍頭可憐後死渾無補長捧遺

編痛飲劉

余嘗合刻君
與燕衫遺詩

重過紫華山館懷蕉衫

張南周北結幽棲御苑春妍酒數攜

君家

行宮之東偏
予舊寓則稍南數武

絳帳曾參士行母白頭獨弔老萊妻生前舊侶餘鶯蝶亂
後比鄰絕犬雞屋角雙桐端識我慣陪風雨話窗西

屐印誰尋廿四橋當年東閣著風標遊踪亂逐殘春絮詩
思狂奔大海潮才望至今推五鹿功名自昔薄三貂幾回
俛仰崔嵬室吞淚椎胸賦大招

聞松光長老逝於西湖

編柳題蒲伴法王纖塵飛不到雲堂鏡中旌蓋盤鵬錦掌
上妖嬈墮馬妝自信禪心泥裏絮那知佛劫草頭霜分明
昨夜西湖夢玉版同參美索郎

題薛子選

子衡

所藏遠祖方山純臺雄山三先生遺

扇書者姜鳳阿

寶

繆當時

昌期

丁清度

前賢不可及寤寐仰高躅展卷若神親觀物必心肅吾鄉
多聞人河東尤望族理學基名臣往行不勝錄吉光遺片
羽手澤不忍觸千年神鬼呵三世精魂屬魏笏但貽榮呂
刀直貪祿緬彼紛替興方茲殊雅俗歲久墨痕深情眞語
意蓄開函發三歎俯几耐百讀吁嗟二三子在昔推尊宿
墨緣亦尋常不朽藉驥足昂昂薛伯襄嗜學藥貽穀品誼
重邱山文章美金玉故紙襲家珍懼遭覆甌辱有後美斯
彰人欽賢嗣續爰聞巴州民歌聲傳比屋君家孫子多遺
澤爭尸祝唐薛逢刺巴州人雖其德有曰有孩有童願以名垂何以字之薛孫薛兒何況箕裘
良祖德自審熟所藏詎止此散佚感陵谷孤兒悲覆巢祖
硯毀破簏囊餘一物無邊問簡與軸清芬繼復誰因之一

慟哭

題王二樵溪灣老屋圖兼懷奚榆樓

玉湖小洞庭思泛志和宅烟霞野鶴分車馬青山隔逸老
況餘君銜杯成主客溪灣柳花裏老屋閒鷗識赤鯉去何
時溪邊留釣石別來星紀周難問鴻泥迹一片道場雲飛
來蔣山碧可憐延月樓夢寐常相憶是我習家池鹿蒙舊
題壁鄰童俱老成游侶判南北相逢復何年貧病兼頭白
先人亦有廬一生歸未得

題秦淮餞別詩卷懷傅蜀門嶺南

此日嶺梅開南鴻盼未來山河新雨露絃管舊樓臺別淚
留詩卷豪情賸酒杯最憐張士簡咳唾盡瓊瑰

謂張甥仲遠

題袖海圖

囊中自納蓬萊股
胸次常涵千頃波
袖裏乾坤誰復識
看他飛劍斫蛟鼉

題墨溪上人赤腳小像

石頭路滑不須嗔
滿地江湖有棘榛
一朵蓮花堪著腳
知君擁篲爲何人

贈徐贊府卽題其讀書秋樹根卷

志在羲皇上人宜
邱壑問道書終日
把酒坐一心閒可
許哦松解長看挂
笏山童童車蓋下
猶戀舊柴關
秋心無處著且向
水雲隈時與古人
對知無俗客來打
頭驚落葉侵袂怯
蒼苔只要陰符熟
朝廷重異才

送崇誥鈴中丞之官山左

化行俗已淳
治行本學術
道路稱神明
下車曾幾日
憶昔豚犬兒
依劉遠橐筆
先我識荊州
損俸資膏秣
廉仁非面諛
風雅久心折
豈意瞻園花
一旦供生佛
不嫌謝奕麗
許入崔嵬室
論詩茗飲餘
讀畫花陰缺
風流今所稀
宏獎世罕匹
奚止惠政流
芳名千載說

江南財賦區
比歲旱澇頻
況值兵革餘
家國多憂貧
公來數仰屋
世少卜式倫
雨露本無私
草野誰非臣
賤子寡才略
持籌同算縉
千腋期成裘
眾怨烏足論
帝力我何有
大聲共無聞
計窮力亦竭
舌敝心如焚
惟公燭幽隱
慰勞憐艱辛
星輶忽焉隔
此願徒殷勤

春風江上來弱柳未成絲我公挂帆去回首行遲遲壺漿
紛道旁鑒此去後思公昔治齊魯寬猛因民施棠蔭何童
童幾日成高枝登萊大海上出沒連蛟蜺胸中甲兵富久
已策畫之東南重門戶節鉞來何時我圖在公眼知公不
我遺公詩在我口何異長追隨

時以刻稿見贈又題先
象並手書近作見示

琴隱園雜咏二十四首

十二古琴書屋

我琴十有二一一古人遺古人是何代惟有琴知之一瞬
古人我後來誰我知珍重簾前月千古常相隨

琴清月滿軒

琴聲得月清月色當軒滿空庭竹影遲桐葉落如翦寂寂

鶴眠階悠悠鴻過眼一白鹿車停但覺駒光緩

畫梅樓

樓居伴雙燕春入畫梅手樓外縞衣仙樓中兩仙友友是畫眉人人妍笑梅醜屈指幾春秋人梅俱老叟

還讀我書齋

束髮卽從戎還山重把卷掩卷輒遺忘閒居藉消遣牙籤萬軸多子孫嚮難免試問仲舒園花枝入誰眼

吟改齋

改過過欲寡改詩詩自工朝吟夕復改此事無終窮丹成自得仙千秋甘苦同興來不能默和我四壁蟲

延緣山房

四壁生虛白一窗延眾綠紅紫非不佳過眼抑何速枕簟滑於油琴書淨如沐不愁青女妬當戶環松竹

商彝周敦漢瓦晉磚之室

學古愧無獲所獲茲區區摩挲慮豪奪什襲藏精廬上下五千年哀此萬劫餘我廬亦傳舍物我還同愚

雞鳴長傍讀書齋

予齋傍雞鳴山故取李俊民句爲額

我喜傍山居山亦喜傍我相傍無相離於此終焉可雞談風雨消書味煙霞裹我啖起舞人不若床穿坐

凌雲閣

我閣憑虛

雞鳴樓閣名

南鍾阜鄰東北東西各千里祇有蓬萊

隔雙塔經宵紅

雞鳴寺永慶寺二塔然塔閣中見之一

溪當檻碧此亦我麒

琴隱詩集卷二十八
麟功名屬詩伯

幽篁裏

獨坐幽篁裏幽人靜無事琴聲隔烟出月影穿林至相尋
有孤鶴相賞無猜忌何必入山深塵囂此焉避

五十年友善之齋

浪迹三萬里結交五十年不愁鐵門敞且喜窪尊堅耆英
續高曾林壑投良緣怪哉絕交人所惡妨清眠

默龕

此非管甯榻乃是達摩壁豈惟滅否無萬事付一默叱咤
驚風雷壯氣亦無敵莫疑老便猜憂懷述不得

琴臺

橫琴遲佳客衣露中宵涼鳴蛩傍琴底語鶴回琴傍琴聲
同淒清囊琴還草堂臺荒人亦老秋草如人長

百步廊

長廊入九彎短筇百十響覓句幾留停行藥恆來往苔階
吞履聲蛭路開蛛網羊求無別離風雨還留賞

黃花逕

乞食不餐英我嗤彭澤宰芳顏雖不居傲質豈能改差比
仲蔚豪蒿萊發光彩布地千黃金秋光去難買

梅門

南枝與北枝連理成門戶出入烟霞儔往來鶯蜨侶中有
一老仙幽棲洞天古有時白雲封獨擁瑤臺女

藤幄

東鄰棘補牆西舍蘿牽屋老夫一何奢東皇爲張幄歌席
人同妍花茵客無俗忽見綠天低蜂衙蜜齊熟

薜荔柏

人識老夫家當門獨樹古薜荔巧銜緣托根不須土彼榮
此必枯黛色暗如許曾見六朝人難逢百年主

戲鴛池

曉來暮還去去亦不知處出沒蓮西東忘情若鷗鷺家雞
笑相詆野鷺羞轉怒一去不復來銀塘漫延伫

度鶴橋

橋西竹千竿橋東梅百樹老鶴獨幽尋危橋時一步空亭

張素琴皓月還偷度縱與俗塵通泉清總如故

鸚鵡塚

池館烟冥冥一邱煩鶴守紅豆忍拈看相思花發後秋千
風日佳芳名記誰某阿韶知嫁誰可憶人安否

凌雲峯

一笏獨朝天昂然出雲表孤高不自知但覺眾峯小傑閣
連霞紅修簷入烟裊月底忽驚看千尋塔影倒

十三峯

竹瘦筍則肥飢來肯煮試烟霞傍戶生風雨當窗至星紀
有閨時其壽不可計曾有古仙題一峯一行字

七賢峯

七賢眞隱逸樂與主人友一懶誠吾師至靜保天壽翛然
風日清高枕羲皇牖非君不解吟虛名不宜有

寄懷張仲遠

曜孫

孝廉

去時書劍太蕭條瘦影何殊鶴在霄笛裏尙餘三疊恨尊
前漫按百宜嬌平康姓字花爭豔海國滄桑髩獨凋盾鼻
矛頭詩剩卷遲君翻作太平謠

琴隱園詩集卷二十八終

琴隱園詩集卷二十九

武進 湯貽汾 雨生

琴隱集

甲辰

年六十七

壽侯青甫廣文八十兼題其環勝閣

八十老翁頑似鐵

放翁句

玉面霜髭瞳點漆名山遊倦歸閑

門花下獨吟閒抱膝徜徉泉石皆耆英婦孺十年知姓名

幾處傾杯成代謝君來不見張方平

予自壬辰入耆會年最高者張古餘丈時

君向未歸

方平八十人稱健一瞬盟壇三四變龍頭今日又推

君末座驚看頭白徧溯我交君五十載廿六閒鷗無一在

鄉童館女凍梨皴誰看青山顏不改君家井有丹砂否奕

葉相承盡黃耆百歲能生無影兒一門祇少量金斗金多

不及壽多豪高樓日陟追雲巢

曾無疑字雲巢年八十家有小樓曰登覽不倦

在青溪圖畫裏隔溪時聽吟聲高環溪三閣皆同社凌雲

予閣

方雲室閣名

下一閣常開兩閣局腰腳輪君逐

奔馬自從開閣頻高會酒聖詩仙床下拜名流都入碧紗

中愧我龕材猶負債從知君壽齊君閣此閣千年風雅託

四序休憐東逝波一樽且奏南飛鶴鯨奔蜃幻漫回頭銅

狄摩挲五百秋秋風茅屋長無恙高臥雞窩勝鳳樓

某氏藏書最富今子孫不能保之觀物懷人感而書

此

故紙原來歡伯資

借用蘇子美事

白頭曾譽麒

麟兒

空隨脈望

成仙早猶恨瑯嬛入夢遲萬軸重驚牛馬汗一經乃爲燕
鶯遺墨莊門巷憐荆棘博物於今屬阿誰

寄張南山司馬兼懷黃香石學博

見說松心子

南山自號

耽吟意倦遊蒼松看百尺茅屋並千秋

所居曰聽松廬花月隨鳩杖兒孫到鳳樓十年歸臥穩霜雪未盈頭

滄海橫流日空山獨往時有心教夢遠無處與君期不信
家仍在重嫌書到遲花前開笑口幾度誦新詩

爲問雲泉侶

雲泉山館君與黃香石學博同築別業

何時返鹿車風騷同一

代嶺海敵三家

君與香石及譚康侯戶部有粵東三子詩刻

但入春風座齊看

上苑花

聞及門皆貴

白鷗誰作伴秋水滿蒹葭

聞借居花埭某氏園

爲姜玉溪

官綬

明府作山居讀書圖題後

吳興山水窟先生詩酒豪我昔鎮此邦初與兩生交

奚榆樓戴

士銅君時方客遊聞聲企風標相逢緣太晚相別途偏遙篋

中贈行句十載珍瓊瑤自我棲龍山長憶銅鞮謠思君不

得見夢魂涉波濤聞君作宰官聲名岱岳高前年見李子

甫謂君已二毛憂民亦良苦懷友常無聊惠我沽酒資念

我貧蕭條索我寄新詩使我圖生綃出山思故山故山乃

可招不愁千里隔開緘得相遭茅屋兩三家無非漁與樵

尋君讀書處一閣凌松梢平生感知己

崇語節中丞守泰安君爲令極相契

又逢聖明朝良驥逸千里大鵬搏九霄豈容老邱壑把

卷光陰銷況值兵革餘瘡痍宵旰焦國計與民生補救

非一朝雲騰願爲雨鳥倦方思巢不才素耽嬾復愧蒲柳
凋 朝廷辱記憶 絲綸逮蓬茅鶴猿各驚恐犬馬徒勤
勞涓埃未能報林壑殊相嘲莫賤逕寸符徵此輕兒曹經
綸及時布所貴柄獨操戔戔中丞公禮賢同飲醪薦章日
三上不緣私舊僚吾子幸勉旃休嗟久折腰

漫興

幾口樓臺寂管絃黃鸝啼破綠楊烟春歸細雨斜風裏詩
在迴廊曲檻邊酒盞竟拋嗟老病吟朋漸少悵人天閉門
每惜良遊負差喜雲山列几前

鳳池書院題壁

散孫伯淵
觀察別業

四十年前客重遊髣髴雪皚廢亭風聚葉斷檻雨生苔猶是

琴隱園詩集

卷二十九

三

絃歌地長宜著作才牆東老青士幾見鶴歸來

題畫

暢好風光入畫圖清溪碧嶺老潛夫生來不識紅塵路除卻攤書一事無

閭研香

德林

濯足萬里流圖

萬里崑崙水來從足底流平時本無垢險處肯輕投淬劍宜鯨血澄心借虎頭莫驚重趂厚五嶽未遨遊

又題空山嘯劍圖

滄海橫流事可哀蛟龍出壑響驚雷此中便是桃源洞拔幟還防山賊來

萬里烟塵走革囊四山風雨竄豺狼人間尚有真仙俠一

劍飛來聶隱娘

壯志干霄怒髮衝由來年少出英雄十年老病勞相訪袖裏青蛇化白虹

金紫垣

旭

廣文棣花書屋圖

秣侯家世貂七葉義門孝友千秋接幽棲獨與醉鄉殊

宋金

極顏其居曰醉鄉

棣茂荆榮欽莫及豚犬多君誇小李桃李園開

畫圖裏青溪花發快逢君花下披圖感生死封胡羯未盡知名俊弟經明骨相親煖講杯深先獻母聯床夢冷最思兄兄弟紛紛歎辰晉君家兄弟堪垂訓我交君卽識君兄後起還知並豪雋絳帳欣看多士宗憑君振鐸挽澆風不堪豺虎橫當道但見操戈一室中廿年痛我虛姜被荒江

並少鷗兄弟縱有兒孫讀父書敝廬老去無歸計

汪劍秋陳心壺夫婦藝花雙隱圖

湖山雙影瘦伉儷一心清借隱名花妬聯吟好句麋鹿車
嗟我晚三徑尙榛荆

題翁叔均

大年

春舫論碑圖吳荷屋

榮光

中丞入

觀過蘇屬叔均假友人所藏館壇碑拓本留舟中

一日相與評論作圖以誌

上清真人許長史華陽隱居稱弟子二十四字碑題長碑
文書自孫文藏倉鷹辭鞞駿脫鞞千四百年遺迹泯一朝
乃見兩金家黃庭畫板人同誇

真白書有黃庭外景經畫板帖

千里停舟

爭一見太息蘇齋慳半面懷人弔古激高吟一晌東西沙

上雁仙尉能傳翰墨緣畫圖遙寄滄江邊鯨鯢跋浪烽火
惡圖雖無恙稽三年平生自笑五斤手浪學塗鴉成畫狗
千金寶墨散泥沙往日徒勞珍敝帚圖中過客已仙去故
物傳聞易新主君家清閨保子孫呵護自有仙靈存蔡老
偷摹一片石友石太僕可憐真面何曾覲題詩仍付木蘭舟時
六舟上人無人共話神仙宅友石所摹已歸陶谷谷卽貞
攜歸吳門白石舊居友石捐館一年矣

青溪

錦鴛偏逐野鷗棲畫槳朝朝東復西看慣烟波聽慣雨小
姑生小住青溪

誰是傷心弔古人到來多半爲尋春綠波芳草無情路桃
葉桃根剩後身

譚仲海

滿

司馬松間小照

有限但看青芙蓉有耳但聽松間風世間無限不平事欲
學阿翁雙耳聾入水不濡火不灼蓬島瑤池杖前落景升
故是神仙流何時攜屐青城遊箕踞松陰百千載著書慎
莫逢齊邱

閱邸報甲辰南宮應試耆宿吳人瑞等十八人年最
高者百歲八十者止一人因書其後戲呈會長侯
青甫

江左龍頭久屬君豪吟健步羨無倫誰知獻賦明光客八
十猶爲末座人

題張梧岡

德鳳

明府遺照

爲愛空山寂來聽絕壑濤官貧驚鶴瘦興逸羨詩豪昨過
公超市猶餘仲蔚蒿九泉應一笑兵革未曾遭

王伯陽

紹復

權雲間守有保障功以士民贈行詩畫

見示題後

孤城危似卵寇盜正縱橫太守能文武窮黎託死生升沈
皆夢影患難見忠貞遺澤留三泖千秋洗甲兵

魏剛已

者

觀瀾圖二十歲小照

我愛魏知古掄才弱冠優筆能書五鳳氣可食千牛滄海
曾無恙狂瀾自可憂且尋名教樂不用看吳鉤

酬王春綬

庭蘭

方伯

韓公能開衡嶽雲力窮難免華山哭先生一帆徧吳越朝

琴隱園詩集

卷二十九

六

踏黃山暮天目秦淮六月水上樓玉簫聲咽沙棠舟大中
橋頭鶴飛落一聲清唳驚羣鷗鶴聲清逸何人悟君獨高
吟紀遊句乘軒何異入樊籠放翮居然到元圃憶昔瞻園
花下見鼙鼓聲消旌節燦銜杯方對六朝山挂席忽隨千
里雁彈指匆匆去來易竹馬空迎細侯至看花豈爲憶元
都惟有青山識君意侯芭青貧老猶窮經寒氊只坐朱光
庭感君折節重相訪兼及張南周北朋賤子林棲抱琴老
清歌亦愛陽春好一串驪珠擲我懷結交遲幸知心早側
聞游侶並工吟于蓮亭觀察偕君同遊黃山與子神交不久將至還期同聽草堂
琴莫學神仙李八百蓮峯一別難相尋

酬盧止泉

澤國博

幾輩同登大願船青溪諸老半長眠琴聲入古吾耽隱詩
思超凡子悟禪美酒斷無千日分好山猶有六朝緣從今
不放春秋過花月佳時便拍肩

敬題先太夫人魚藻遺扇

傷心手澤最無多只此家珍笏硯過片紙莫嫌魚失水于
敷早有淚成河

沈春朝

壽曾

明府綠天補讀圖

一行作吏此事廢把卷何人向松桂清秋幕府吟聲高不
信書城有君在綠天無縫塵難侵書聲出沒誰相尋一時
裙屐盡名士多君獨惜分寸陰慨我青氍少年棄但讀陰
符世無濟卽今臥病老滄江風雨蕉窗感孤寄牀頭一劍

中宵鳴幾時快意屠長鯨貧無僮石百口餓恨不窮研末
粗經知君愛讀循吏傳貨殖於今能弭亂得慰司農仰屋
嗟不愁四野哀鴻喚

九疑山圖爲張堯仙

那佺

太史題

興安之山有三洞其一逶迤通九疑我昔題詩洞中壁忿
忿悔不窮探之船唇快見祝融頂妻孥飽看瀟湘景詩夢
頻回二女宮征帆易隔千重嶺訪碑尋穴皆無緣回頭九
舉空雲烟山靈嫌我愛塗抹獨此不許吾詩傳輸君挂笏
日相對襟袖猶濃巖際黛歸裝長物一囊山笑看須彌變
織芥愛山愛畫誰如君思君十載難相親江北江南好山
色幾時來作游山人一游一圖圖萬卷萬壑千巖長在眼

子孫都作臥遊人卽此傳家俗塵免

秦淮

秦淮半月頂潮頭絃管蕭條十四樓猶有闌干客倚無
家已替莫愁愁

雁來紅

是我珊瑚樹山家亦自家何妨伍蕭艾便欲剪蓬蒿見雁
驚霜信還童傲俊髦朱顏應久駐卻不藉醅醪

程序伯

庭鷺

畫山樓圖

共有烟霞癖輪君畫理深小樓堪萬古片紙值千金昨過
凌雲閣話還留白雪吟但求三絕擅不信二毛侵

八月廿一日招崇海秋

家塾

進士陳信吾之瑞汪子

問根之

兩學博傳味琴桐

王蘭生

錫元

兩茂才汪

于松

根蘭

明經袁竹畦

起

少尹集隨園看桂

蛟龍欺我門戶低洪濤破屋成荒溪庭前五桂一齊槁看

花欲叩他人扉小倉山房花最好幾日花前接離倒醉翁

詩叟侈年高老樹看人猶襁褓

頃集諸老九十至六十今

朝裙屐續高曾一半蟾宮來折桂桂香何處非蟾宮奚必

嫦娥冷相對對花對酒能無詩詩翁花鶴歸何時徑草萋

萋殘客盡溪烟漠漠閒鷗稀前年此際難回首暢好巖泉

成虎口便許家連雞犬移不能山逐雲烟走歸雲一樣林

壑善招隱由來多碩彥

盧龍山下歸雲堂有桂干見說山

深每避兵夢魂猶怕滄桑變得閒明日還同遊六朝山色

囊中收江北江南離別易蹇驢且勿嫌塗修年年看桂年年客去年客歎今年隔勸君痛飲過重陽看到籬邊菊花白

雷約軒

蓀廉

明經詩集

等閒麟閣奪司空借問論詩孰最工世界淒涼龕寂寞袁簡齋先生有詩世界法時帳先生有詩龕有誰詩伯老窠中

題萬里游圖

井蛙昧天日樗櫟懷風塵安閒坐愚拙閱歷生勞辛男兒墮地四方志安得終身邱壑置萬里間關白髮生可憐艱苦緣何事南海以南北嶽北賤子平生尤浪迹袖中贏得一編詩足底踏穿千繡屐不如同作汗漫游風吹鶴背雲

悠悠北轍南帆永拋擲十洲三島同周流

崇海秋招同侯青甫隨園觴桂

寂寞騷壇五十年樓臺如畫黯蒼烟中興此日憑誰健痛飲連朝笑我顛

桂開之後飲此五度

金粟香同詩再疊玉樓人似月

重圓衰翁漫道沾泥絮共向崔徽卷裏傳

海秋是日爲瑤華女校書寫照

題朱石梅山人石梅圖卽送之袁浦

同是梅花侶爲君寫此圖何年卜林壑今日又江湖不屑平章贈非關和靖迂等閒金谷客虛牝擲珊瑚

贈陳生靜齋

十年荒逕蜘蛛隱姓氏偏勞物色眞老去情懷絲竹倦有誰來作後堂人

讀書學劍世無裨壯不如人老可知慙愧詞人床下拜算
來惟有拙堪師

無事應來學酒仙醉餘高閣聳吟肩衰翁祇爲游筇懶招
取雲山在眼前

池北新闢一徑通琴臺竹圃諸處

是我終南徑塵緣底處通僻耽挑菜婢近慙抱琴童漸許
羊求熟尋看松竹充好詩探不盡烟水日溟濛

朱嶽雲道士扶杖行看子

道人自有升天法汗漫何須策杖游一擲成龍真快事看
君放手出雲頭

道人自有點金術蓬壺都應買得之幾箇青錢供底用醉

侯知否也須貲

壺中自有下酒物何事閒游尙帶經莫抵金龜輕換醉人

間真迹重黃庭

師工書

曹愷堂典籍補讀圖

入耳出口數寸閒頑軀七尺中茫然誦貫思通學全粹童
時耳熟孫卿言跛鼃能先六驥後一卷何曾干涉有行年
七十不識丁村學童蒙誦顏厚塢來讀君補讀圖學優不
足猶勤勸治國惟資論語半君偏讀竟曹倉書便便腹笥
五千卷王郎不愧東床選定博頭銜行秘書蓮花幕爺知
音罕湖山風月故鄉無勸君掩卷同提壺吾曹所欠杖頭
物安能補此平生闕平生自笑百無補窮老天涯劇辛苦

炳燭光陰逝不留蹉跎何事回頭老夫一願何時補五
岳猶餘華未遊

漁翁

蘆花風裏雪盈頭獨立寒汀似野鷗白痕如山天欲暮千
帆江上一時收

題歲朝圖

倉盈屋補息勞筋婦子熙熙一室春一樣光陰田舍好不
知世有別離人

瓦盆翻倒會新春短褐長裾共率真一樣光陰田舍好不
知世有折腰人

贈張甥仲遠孝廉

用藥如用兵去病如去賊倉扁二豎仇機變均莫測窮幽
犀燭潭中害矢破的彭殤不在天斯人肯醫國

耆介春制府移節兩廣過園話別卽次留別元韻
雲龍上下隨魂夢干戈裏珍重報 恩身離情江水似

琴隱園詩集卷三十

武進 湯貽汾 雨生

琴隱集

乙巳年六十八

寄周竹溪司馬

思君不可見霜雪髭邊生
白日一何速青山無限情
風雷鯤徙宅煙月雁回程
相別重相憶期君晚節清

一本作早晚容攜手

欣看竹馬迎

鮑五問梅

淦生

白東臺過訪卽贈

之子今明遠才名孰比肩
多情風雪裏爲訪水雲邊
煮海工籌國乘槎嬾上天
補山

朱浚岳闢名

殘客少老淚一潸然

新歲陳蓮史方伯招飲瞻園

簫鼓聲中歲月添，朝來指動鵲鳴檐。
羣芳暖谷逢春早，高會名園選客嚴。
金殿雲從徵闕瑞，玉壺冰淨矢官廉。
加餐多謝殷勤意，根觸前塵十載淹。

昔若客遊於此始獲相識

元夕雨中隨園雅集謝嚴敬村大令曹愷堂典藉

萬梅催一醉，高會復倉山。
風雨不辭遠，嘯歌難得閒。
茶煙留竹裏，酒氣入雲間。
猿鶴相知久，花時每叩關。

雲濃三徑滑，屐響四山磨。
卻憶風吹帽，先愁雨打燈。
江南重陽無雨一冬晴
來歲元宵雨，打燈賞詩空。
竹閣買笑剩，花塍肯待新鶯囀。

還來集舊朋

懷黃愛廬

樂之

觀察杭州

願弟畜我兄事君思君但見青天雲怨君到官遲十載悔
我休官不相待孤山此日正梅開和君佳句知誰在

隱仙庵懷王樸山道士

空山寂歷破樓局清磬穿雲老鶴聽客屢又粘三逕碧庭
柯不見六朝青古梅古桂相傳六朝時物久已枯朽予四十年前猶見之聚頭扇古籠
詩壁局脚床敲積道經十資遺文還覆甌點金誰會買修
齡

琴隱園遣興

吟罷無來客銜杯晝掩扉潭空魚入定樹靜鳥忘機花氣
濃侵幕爐香細染衣牙籤慵觸手脈望一春肥

偶過甘祺人大令出所藏數十年越酒留飲次日復

以所餘相餉作歌答之

人莫不飲鮮知味渴羌馬湫猶瓊漿十年不醉非不飲薄
酒不若傾茶湯一春未暇登君堂奇緣得逢顧建康玉觥
嫩醴浮金光入手已覺蘭英香言此有友數世藏三難得
自新嫁娘滑稽大腹隨筐箱江湖遠涉道路長豈無佳客
難輕嘗一卮功抵酣千場憶昔西湖日攜客行廚千斛聯
沙棠肉屏回合管絃盛眞珠紅間驚兒黃襟上餘痕久難
滅尋思無此濃而芳玉山頽矣煩扶將藍輿鴉軋同舟航
朝來片柬忽飛至醉翁尙在華胥鄉一甌脫我意良厚云
我善飲殊尋常爲悅已容知已死杯中知已惟君當舉杯
更聽公鶯轉閉戶乃復憂豺狼老兵何可污我爵餘慙尙

足花前觴連宵雨足婪尾豔獨吟獨酌人嗤狂腰間玉具
不敢看醉舞只恐傍人傷感君澆我塊壘腸一篇醉墨聊
相償

里中值初度弟妹置酒爲壽感而有作

今朝破例無風雨

予生六十八年此日不雨者指不數屈

弟妹鄉園暢舉杯

去日苦多來日少寸金難買寸陰回百年松菊餘先澤半
世風塵愧不才礪祿杖藜嗟一瞬當筵誰解蓼莪哀

無錫舟中柬朱秋舫

子庚

明府

曉起推篷見九龍一峯一寺一聲鐘羨君無事閒尋徧半
爲看山半勸農

哭大女篋

十載西江斷鯉魚王郎豈是不工書一官祇吸西江水宦
味誰知水不如

萬里間關白髮催壻鄉容易別龍堆也知生女多離恨不
道離家卽夜臺

郭瑀從來愛掌珠可憐辛苦學當鑪年年寒食西山路滴

酒誰澆墓草枯

非南昌

上下縱橫孰解圍一堂都變伯勞飛謝家最小腸逾斷有
淚親前不敢揮

季女嘉名方歸甯

天香書屋感舊作

童時肄業之所

卯角渾如昨低徊感不勝一堂佳子弟三世舊親朋放學
追奔鹿臨池落凍蠅

山谷詩小字莫作凝凍蠅

婆娑嘉植在幾度逐侯

升

飢粥恆於是嬉遊愛暮春童心仍未改師誨再難親一瞬

青氈故全家白髮新滄桑容易改機杼斷西鄰

鄰屋頃復易主

與予童時同學於蔡質夫夫子者惟岳君生桂與予

尚存師門既久不相聞君又貧老孤獨愧無以濟

慨焉成詩

混沌一時闢師恩造化倖惜哉徒自棄耄矣復何求炳燭
公猶健空囊我太羞更無同學在不獨痛西州

寄之江諸友

但飲蠲痾

泉名

了歲年歸耕除硯更無田一家消受林泉福

六代安排詩酒緣靜裏攤書食引睡老來厭客想逃禪也

知舊雨多相憶學默於今嬾寄牋

白門天台洞僧戲越行腳圖

榔栗千山不掉頭十年面壁本無儒
輸他白足追奔鹿五嶽吾還未遍遊

分付狙公守洞門歸來知道幾千春
此中倘有胡麻飯不作遊方咒鉢人

題王樂山所藏錫人楊蘭舟燦山水卷

東南畫史笑圖畢通優平生不識楊蘭舟
王生得此美林壑

謂是蘭舟得意作我交畫友盈寰區
工畫無非多讀畫

王生萬卷讀何用放筆且畫瀛洲圖

輓趙良甫函

西溪風月付漁樵

君家吳江遷居無錫之西溪

腸斷吟魂不可招法喜

原來妻不得瑯嬛豈是夢初消

君富於藏書

十年賓榻寒徐孺

一日詩星失伍喬贏得多情秦學士花枝同看馬塍嬌

將葬於錫山秦謂小峴侍郎

聞君

答友人訊近況

久病仍酣酒奇貧尙買花妻兒亦泉石僮僕帶煙霞飲羽

黃肩弩追風白鼻駒無端矜矍鑠飛夢去龍沙

近清海不靖

悼古柏

并序

琴隱園有柏一株大於孝陵諸柏蓋宋元間物也

園故王菊莊先生冷香山館嘉慶初予試牒金陵

與先生過從輒吟賞其下自予卜居於此星紀一

周朝夕相對固無恙也今年四月狂風西來冉冉
而折萬物無常莫不有數然不能無感悼之以詩
與汝相依亦夙緣題詩早在卜居先參天拔地三千尺傲
雪凌霜七百年鳥雀豈知傾大厦精魂應許列飛仙何時
再聳真源幹珍重靈根蟄柏泉
別山其根盤曲至此井底見山川紀異真源縣老子堂前
雙柏左久枯隋大業十三年忽聳幹三丈三尺唐武宗二
年更生一枝直上
五尺見述征記

鎮洋山圖爲趙澈厓

祖玉

分司題

山在太倉州署可
以觀海多梅澈厓

尊人嘗刺是州澈厓
思親感舊而作是圖

王覽刀猶在胡威絹未忘滄波來滾滾白日去堂堂治譜
傳先澤吟情寄眾香千秋州宅好人自重甘棠

明皇入棧圖

蛾眉空牘遠山青
斜閣雲陰萬馬停
不是野狐工筆策
更無人識雨零鈴

鐵槎山房聞見錄題贈于蓮亭觀察

卅乘書成博物名
心花豔逐筆花生
胸中光怪驚如許
卻待歸耕著輟耕

非耽述異慕搜神
雪蕊冰花幻也真
警俗功齊周柱史
五千言教世風淳

各侈談天口似河
幾人拔舌怖閻羅
鐵槎只作慈航度
直到雞林濟世多

賞奇爭羨筆如杠
繫節連番倒玉缸
難忘棋殘琴罷夜
談

狐說虎共西窗

眞成咳唾落珠璣鼎足倉山與閬微破硯傷心千劫墮休

嫌掩卷淚頻揮

先忠義公著災硯瑣談十三卷兵燹之餘僅存奇零又厄于水後入鮑氏知不足齋

叢書又遭同祿趙味辛丈始爲掇拾殘佚梓行於世

耆介春宮保初度日同人集妙相庵瞻公行看子奉

懷五章

在天爲星辰墮地成將相伊昔應風雲東南資保障披肝

誓黑城抵掌靖鯨浪上慰九重憂下副萬民望

持節臨吾邦安危一身寄斯民凋敝餘拊循良不易酬恩

忠與誠勵士勇與義下瀨急飛艫登高齊墮淚

荒徑闔雙扉彤騶時一顧談笑抒天真衰憊寬禮數詩篇

在東壁雲龍散何處茫茫天海空
竟夢愁難赴

書工得天授筆正山心宣折肱五十載
龍虎驚雕鐫十指慙駢薑誨我留雲煙
晤言亦無異聊慰離情牽

旌幢何日來載拜瞻公像精舍憶追陪
棠陰近來長思公卽見公慰此蒼生仰
試聽鶴南飛同聲遏雲響

秋林詩思圖爲楊碩卿

鐸

題時同包慎伯大令毛李

海

瀚

刺史顏咏之上舍集妙相庵季海將還揚州

對君如飲醇但覺秋風多乃有宋玉悲搔首
頻高歌歌聲日日秋聲裏鄉心輒共秋風起
秋風秋雨愁殺人何人不愛江南春春江花
月長無價虛牝黃金誰肯借雪花如掌忽
殘冬回頭秋去尋無蹤秋去明年仍復見知
音一別難

爲逢休忘六客精藍夜痛飲圍爐聽雪鴻

重過陶谷弔主人張太守

滄桑一瞬慨重經絃管無聲畫閣局剩有風前雙鶴唳隔

花猶得白頭聽

懷甯太守庾城母好鶴唳見南史陶谷主人奉母于此

無題和友人

杜鵑催去鷓鴣留盼煞珠簾入夜鉤百尺游絲沈綺戶二分明月起高樓驕驄狂識傷心泪淺水空停送別舟聚是浮萍分是絮可憐誰伴柳邊愁

綠楊影裏見秋千鐵馬銅環盡隔煙玳瑁儘裁抬夢枕珊瑚拼琢叩扉鞭雲離楚岫吹還破月過秦樓翦不圓恨絕琵琶工障面偏將半面了儂緣

壬辰秋予謝病來白門張古餘觀察方與諸寓公作
尚齒之會以詩招予忝居末座予嘗爲古餘畫山
水障子草亭中一翁撫琴一翁俯首相對題曰得
一知己可以無憾古餘甚愛之古餘謝世不知畫
落誰手頃忽於錢石逸少府齋中見之囑予題誌
則同會八人惟予在矣愴焉成詩

得一知己可無憾昔爲此圖貽古翁翁居耆會齒第一茶
山陶山相繼終我時罷鎮歸江東年五十五顏猶童翁詩
招我爲溫公一時青谿入酒龍有倡必和尖父重張南周
北奔詩筒月一高會意氣雄心期百歲無終窮十年代謝
一彈指豈意壇坫蕭然空自憐一病百無嗜何況翰墨從

來慵今朝忽覩舊鴻爪卒然使我悲來中翳家故物隨飛
蓬不知此物來何從感君珍重過紗籠故紙得逃塵甕封
非君愛物人已同棄置那復關心胸君今又我一知己何
異爨下收焦桐莫嫌寒具玷完璧拂拭更作他山攻還君
赤岸銀河通高堂素壁生清風平生結習肆塗抹襪材費
盡何曾工旗亭梵宇藉博醉侯門貴戚羞爲慵怪哉行路
耳爲目動類租吏當關訂雞林雁塞不辭遠徵求亦忝潤
筆豐或遭蝸蝕或鼠敗或擲兵燹投蛟宮巧偷豪奪或無
恙顯晦殆亦憑蒼穹爲君題記傷龍鍾年來兩眼尤昏瞶
展圖不見巖上松此事遂廢難爲供茲圖雖惡殊凡庸歸
然若見五老峯後五百年名姓在片縑又是誰遺弓

烏奴歌

予家有貓純黑攜來自門辟鼠異於羣貓字曰烏奴寵之以詩

東鄰有鼠穿我牆我鼠喜迎入我房小兒欣傳鼠嫁娘子
孫振振熾而昌我家狸玳瑁黃其雄錚錚雪裏槍并力
獵鼠日不遑公然抗拒不伏藏瓶中久已無儲糧晝嚼桓
廚暮曹倉巾帷片片爲糲餽惡劇直毀吾冠裳烏奴鐵色
種最良術能幻化游仙鄉崑崙趨捷狀異常晉陵三年勳
績彰四鄰旣靖錐處囊合召宿將征還方乘風破浪來飛
艤畫梅樓下登胡床羣狸驚躍旋徬徨如肅大賓屏兩旁
烏奴默默目不張一夜熟眠眾鼠僵異哉烏奴漠若無所
畏其威乃爾不可當我聞聖王垂拱安八荒賢臣坐論燮
陰陽又聞鳴琴而治不下堂懸鞭亦能抑豪強猛虎渡河

蝗出疆除暴不煩多殺傷一物之微何忤臧我心悠悠多
慨慷

嘉慶庚申予守備京江時數相過從者同官則清霽

亭

華太守許春池

鯉躍

教授顧思亭

塾

教諭盛望

亭

斯際

照磨鄉先生則王夢樓

文治

太守馮艾圃

錫宸

進士次年代還白門嗣屢過之始而勞燕東

西繼乃鱸寒笛楚及今未五十年直無知予嘗飲
中冷一滴者頃復過之慨焉成咏

韶華可恨逝江流爭及江流尙轉頭盛日賓僚詩裏逐少
時血氣洒邊浮髩霜一笑誰相問爪雪多年已不留半是
青燐無覓處幾回搔首向沙鷗

千秋橋畔笛聲飛，萬歲樓前絮影稀。
賸有荆榛籠碧血，更無門巷屬烏衣。
上皇石爛憐荒草，閬苑花歸悵落暉。
一度來遊一腸斷，蜻蜓猶戀蓼花磯。

京江感舊六首

筆虎威能四境綏，瓣香千載一義之。
年年揚子無波浪，只算君家洗硯池。

清露亭太守

賣文只抵買花資，負笈人多脫粟遲。
知道鄉心難自遣，龍眠山色在須眉。

許春池教授

十年苜蓿業精勤，除卻江聲耳不聞。
我爲苦吟同閉戶，斷輪合轍竟輸君。

顧思亭教諭

撚到霜髭百感生，轉嫌青鏡太分明。

君自書檻牀虛堂有月常相照明鏡無塵

不待

笑他負了便便腹筆底姬隅不可烹

君貧無儲粟嘗指所居曰首陽

山其居在府治東地最高

盛望亭照席

詩夢空尋快雨堂

夢樓故居堂名

練袞贏得換鷺章江南屈指誰

遺老曾碎東山歌舞場

王夢樓太守

多儲病草詎醫貧難忘掀捥促膝真醉月每驚雞喔喔燈

花挑倦後堂人

馮艾圃進士

懷故帥靖逆侯張公

秉樞

予守備京口時公方官參將予隸麾下甚相知愛
時方承平談讌爲樂後公歸襲世爵以散秩大臣
出爲廣州都統予亦官彼復得聚首二年今公薨
已久兩人在京口同歲所舉男湯餅互招宛如昨

日今皆筮仕亦各二毛重履舊遊不勝今昔存亡之感

每到花時醉不停壺歌畫靜閣前鈴幾年稚子頭俱白當日明公眼最青峴首猶存羊傳愛銅鞮嘗共葛疆聽隨身絲竹都萍絮五管春殘一夢醒

半山寺

謝公墩畔好林亭一路幽禽畫裏聽松柏不知何代種滄桑試問幾回經當門雲袖侵衣翠繞屋烟苗沒脰青可惜臨川才絕世名山不老少微星

語水調琴到寺聞俗腸頻此滌塵氛最宜清夜最宜雨半入深林半入雲結社我慚陶靖節耽吟誰及謝將軍

王益之參

琴隱園詩集卷三十

十一

領同醉來不盡黃壚感怕倚危亭送夕曛

任階平太史陳芝楫中丞齊梅

麓太守程蕉雲水部會飲於此俱仙去久矣

廊夜

溪明山月出雲宿廊深處幽人期不來獨鶴時閒步

琴隱園詩集卷三十終